

贛州府志卷二十六

軍政下 武事 武勳附

風雨失而蕭艾生玉燭調而鯨鯢混干戈不戢時爲之也贛州自漢迄今二千年中亦多故矣大抵間罪之師皆因閩粵跳梁之寇盡屬山陬舊志稿詳考源流訂譌正誤武事一編洵無遺議茲特仍其原本間有一二偶遺者爲補入以垂示於無窮焉

漢高帝五年己亥灌嬰渡江破吳郡長遂定吳豫章會稽

郡 漢書灌嬰傳

按謝詔舊志云漢高帝六年潁陰侯灌嬰略定江南置豫章郡南粵尉陀數擾邊嬰將兵擊之駐於雩都

贛州府志 卷二十六 武事

一

築城東溪後克捷據史記漢書列傳嬰定豫章在高帝未即位之先其爲五年明矣且嬰定豫章後還定淮北云擊尉陀事亦未合

武帝元鼎六年庚午楊僕上書願引兵擊東粵上以士卒勞倦不許令諸校屯豫章梅嶺以待命秋東粵王餘善聞漢兵臨境遂發兵反距漢道號將軍騶力等爲吞漢將軍入白沙武林梅嶺殺漢三校尉上乃遣中尉王溫舒出梅嶺擊之 漢書

按通鑑註云杜氏通典梅嶺在虔州虔化縣界括地志云在虔化縣東北一百二十里

獻帝建安四年己卯冬十一月孫策徇豫章分豫章爲

廬陵郡以從弟輔爲廬陵太守 通鑑

江表傳曰時丹陽僮芝自署廬陵太守芝病輔遂得

進據廬陵 志三注國

晉武帝太康八年丁未冬十月南康平固縣吏李豐反聚衆攻郡縣自號將軍捕討伏誅

愍帝建興三年乙亥振武將軍周訪合諸軍征流人杜叡於豫章叡還湘州遣杜宏出海昏宏戰敗突圍走南康太守虞潭將兵逆擊破之奔於臨賀 晉書周訪傳

按舊志以爲在元帝建武元年今據晉書訂正

晉書王敦傳云侃之滅叡也敦以元帥進鎮東大將軍開府儀同三司加都督江揚荆湘交廣六州諸軍事江

贛州府志

卷二十六 武事

二

州刺史封漢安侯敦始自選置兼統州郡焉頃之杜叡將杜宏南走廣州求討桂林賊自效敦許之陶侃拒宏不得進乃詣零陵太守尹奉降奉送宏與敦敦以爲將遂見寵待南康人何欽所居嶮固聚黨數千人敦就加四品將軍於是專擅之迹漸彰矣

安帝元興二年癸卯冬十二月桓元篡位以帝爲平固王義熙六年庚戌春二月徐道覆寇南康陷之道覆盧循之姊夫也循權假廣州刺史署道覆爲始興相道覆密欲裝舟艦乃使人伐船材於南康山僞云將下都貨之後減價賤市於都人及舉兵按券取還旬日而船板大積舟辦遂與循寇下流南康廬陵豫章諸郡皆陷時

諸葛長民率衆入衛表曰妖賊伐船集木而南康相郭澄之隱蔽經年罪合斬詔原之晉書

宋武帝永初二年辛酉南康揭陽蠻反郡縣討破之宋書

明帝泰始元年乙巳冬十一月江州刺史晉安王子勛

舉兵尋陽鄧琬爲其謀主宋紀書時齊王率衆東北征討

世子躡爲南康贛令琬遣使收世子蕭欣祖桓康等奉

世子長子奔竄草澤募得數百人攻郡出世子世子自

號寧朔將軍與南康相沈用之等據郡起義琬徵始興

相殷孚爲御史中丞並令率郡人俱下孚衆盛衆世子

避之揭陽山琬遣戴凱之爲南康相世子率衆攻之凱

之敗走孚既去始興以郡五官掾譚伯初留知郡事士

贛州府志

卷二十六 武事

三

人劉嗣祖斬伯初據郡琬遣始興太守韋希真鷹揚將

軍楊宏之領衆討嗣祖嗣祖亦遣衆出南康與齊王世

子合希真等以義徒強盛住廬陵不敢進鄧琬傳

桓康從齊武帝在贛縣泰始初武帝起義爲郡所繫

康裝擔一頭貯穆后一頭貯文惠太子及竟陵王子

良自負至山中與門客蕭欣祖等四十餘人相結破

郡獄出武帝郡兵追急康等死戰破之南史桓康傳

齊武帝永明三年乙丑春正月以大司農劉楷爲交州刺

史發南康廬陵兵討李叔獻叔獻懼爲所襲問道自湘

州還朝通鑑

和帝中興元年辛巳蕭衍克尋陽蕭穎胄弟穎孚及廬

陵人修靈祐南史景智作據郡起義穎胄遣范僧簡援之進

克安成以爲安成內史拜穎孚爲廬陵內史二郡合兵

東昏侯遣軍主彭益劉希祖南討南康太守王丹保郡

應益等穎孚聞兵至望風奔走兵敗尋卒南齊書蕭穎胄傳

梁武帝大同八年壬戌張綰爲豫章內史安成人劉敬官

通鑑作躬挾妖術聚黨攻郡轉寇南康廬陵屠破郡邑有衆

數萬吏民恆擾奔散綰修城隍設戰備募召勇敢得萬

餘人湘東王遣司馬王僧辨帥兵討賊受綰節度旬月

間賊黨悉平南史張綰傳

簡文帝大寶元年庚午春正月始興太守陳霸先赴侯

景之難發始興至大庾嶺蔡路養南康土豪將二萬人軍南

贛州府志 卷二十六 武事 四

楚以拒之路養妻姪蕭摩訶年十三單騎出戰無敢當

者杜僧明馬被傷霸先救之授以所乘馬僧明上馬復

戰衆軍因而乘之路養大敗脫身走豫章書霸先進頓南

康湘東王繹承制授霸先明威將軍交州刺史於是修

理崎頭古城居之南史本傳

按南史蕭摩訶傳父諒梁始興郡丞摩訶隨父之郡

年數歲而父卒其姊夫蔡路養時在南康乃收養之

則是妻弟非妻姪也路養兵敗摩訶歸侯安都

是年六月廣州都督蕭勃徵兵援臺城高州刺史李遷

仕據大臯口遣使召高涼太守馮寶妻洗氏曰刺史被

召援臺乃稱有疾鑄兵聚衆而後召君此必欲質君以

發君之兵也願且無往以觀其變數日遷仕果反遣主帥杜平鹵將兵入瀨石城魚梁以逼南康霸先使周文育擊之洗氏謂寶曰平鹵與官軍相拒勢未得還遷仕在州無能爲也君若自往必有戰鬪宜遣使卑辭厚禮告之曰身未敢出欲遣婦參彼必喜而無備我將千餘人步擔雜物唱言輸賧得至柵下破之必矣寶從之遷仕果不設備洗氏襲擊大破之遷仕走保寧都文育亦擊走平鹵據其城洗氏與霸先會於贛石還謂寶曰陳都督非常人也甚得衆心必能平賊君宜厚資之

豫章書

侯景寇京師帝起義發兵自南康南康贛石舊有二十四灘灘多巨石行旅者以爲難帝之發也水暴起

贛州府志

卷二十六 武事

五

數丈三百里巨石皆沒進軍頓西昌有龍見水濱

南史

陳高祖本紀

冬十月南東內史蕭勸與南康王會理謀誅侯景事發

俱遇害

南史本傳

二年辛未春二月陳武帝討李遷仕殺之遷仕與寧都人劉孝尚并力將襲南康陳武帝令杜僧明與周文育等築城於白口

舊志作皂口

拒之相持連戰百餘日卒擒遷

仕送武帝

南史杜僧明等傳

敬帝太平二年丁丑廣州刺史蕭勃舉兵自廣州度嶺頓南康丞相陳霸先使周文育督衆軍討之時新吳洞主余孝頃舉兵應勃出豫章據石頭勃使其子孜將兵

與孝頃會又遣別將歐陽頎頓軍苦竹灘傅泰據蹠口  
城郡在南北康以拒官軍文育遣嚴威將軍周鐵虎長史陸  
山才襲頎擒之因攻傅泰克之勃在南康聞之衆皆股  
栗其將譚世遠斬勃欲降爲人所殺世遠軍主夏侯明  
徹持勃首以降周文傳

蕭相經曰曲江侯蕭勃與吳平侯勵西鄉侯勸東鄉  
侯勔皆親兄弟也勵有孝行器度寬裕爲廣州刺史  
有善政勸先爲南康內史後與勔謀討侯景不克被  
害皆蕭氏之良也敬帝紹泰初以勃爲太尉尋進爲  
太保是時陳武帝將移梁祚勃自廣州舉兵靖國也  
非叛梁也本傳稱其陳武禪代之際舉兵不從尋敗

贛州府志

卷二十六 武事

六

遇害是矣故稱舉兵而不從本紀書反

陳後主貞明三年己酉隋師渡江宜黃侯慧紀遣南康太  
守呂肅將兵援巫峽以五條鐵鎖橫江肅竭其私財以  
克軍用陳書

隋文帝開皇九年己酉春正月滅陳高祖遣總管韋洸安  
撫嶺外陳將徐璿以南康拒守洸至嶺下逡巡不敢進  
晉王廣遣陳主遺譙國夫人洗氏書諭以國亡令其歸  
化夫人驗知陳亡遣其孫魂帥衆迎洸入至廣州嶺南

悉定

隋書列女傳

十年庚戌裴矩奉詔巡撫嶺南時高智慧汪文進等亂  
吳越道閉矩請速進行至南康得兵數千人擊破廣州

俚帥王仲宣兵於大庾嶺仲宣潰敗還報上大悅顧謂高□楊素曰韋洸將二萬兵不能早度嶺裴矩以二千敝卒徑至南康有臣若此朕亦何憂以功拜開府裴矩傳煬帝大業十二年丙子冬鄱陽賊帥操師乞反以其鄉人林士宏爲大將軍師乞中流矢死士宏代統其衆大振至十餘萬人十二月士宏自稱皇帝國號楚其地北自九江南及番禺皆爲所有唐書

十三年丁丑張善安渡江歸林士宏於豫章士宏疑之營於南塘上善安襲破士宏焚其郭郭而去士宏徙居南康豫章書

按舊志謂士宏據虔稱帝而士宏爲善安所襲始徙

贛州府志

卷二十六 武事

七

居南康則其僭號之日在洪不在虔矣今訂正

唐高祖武德五年己卯冬十月楚王林士宏卒其衆遂散

詔改洪州總管爲都督領洪吉虔饒撫南平六州

代宗大歷八年己丑循州刺史哥舒晃反殺節度使呂

崇賁詔江西都團練使路嗣恭統五嶺兵討之駐師於

虔十年辛卯舊志九年誤冬十一月克廣州斬哥舒晃

僖宗乾符五年戊戌黃巢乞降復叛去轉寇浙東高駢

遣將張漣梁纘攻賊破之賊收衆踰江西破虔吉饒信

等州刊山開道直趨建州唐書黃巢傳

光啟元年乙巳春正月南康賊盧光稠陷虔州唐書自

稱刺史以其里人譚全播爲謀主

按光稠起自草竊而五代史爲之立傳者以其有保障一隅之功也謝志削而不錄張志復之而其據虔之歲月亦不列於兵寇豈欲曲爲之諱耶奈下文黎求劉信等事見其尾而不見其首何

秦宗權責租賦於光州刺史王緒緒不能給宗權怒發兵擊之緒悉舉光壽兵五千人驅吏民渡江轉掠江洪虔州是月陷汀漳然皆不能守也

通鑑

昭宗景福元年壬子夏六月孫儒兵敗爲楊行密所殺劉建鋒馬殷收散卒轉寇江西有衆七千推建鋒爲帥殷爲前鋒張佶爲謀主略洪虔數州衆遂數十萬

唐書劉建書

鋒傳

### 贛州府志

#### 卷二十六 武事

八

按建鋒寇虔在昭宗景福建元之歲而舊志以爲在僖宗時且叙列黃巢之上殊失考証

天祐六年己巳

梁開平三年

秋八月虔州刺史盧光稠以州

附於淮南亦遣使請命於梁梁以爲百勝軍防禦使兼五嶺開通使

豫章書

七年庚午

梁開平四年

冬十二月防禦使盧光稠卒譚全播

立其子延昌淮南節度判官嚴可求請置制置使於新淦縣遣兵戍之以圖虔州每更番輒潛益其兵虔人不

覺也

十國春秋

八年辛未

梁乾化元年

冬十二月百勝軍指揮使黎球

五代史作

求殺盧延昌而代之

十國春秋

球暴病死牙將李彥圖自立

譚全播杜門稱疾彥圖死州人相率詣全播第請之全播乃起遣使請命於梁拜防禦使五代史

按光稠之卒五代史在開平五年而十國春秋則在四年傳疑之說無由深考至舊志稱李彥圖死鍾傳盡劫其衆欲遣其子匡時代之則舛謬甚矣傳之死在天祐三年是年九月匡時即爲淮南所虜何由有劫衆遣代之事乎

十五年戊寅梁貞明年春吳以右都押衙王祺爲行營都指揮使擊全播於虔州嚴可求以厚利募水工兵至城下虔人始知之至秋七月軍中大疫王祺病乃以鎮南軍節度使劉信爲虔州行營招討使全播乞師於鄰境

贛州府志

卷二十六 武事

九

閩楚救之楚將張可求軍古亭閩兵屯雩都吳越圍信州信遣將張宣夜襲楚兵大破之二國聞楚兵敗皆引去九月信攻虔州不克使人說全播取賂納質而還時徐溫當國怒曰信以十倍之衆攻一城而不克何以威敵國乃授信子英彥兵三千與昇州內衙指揮使朱景瑜俱往冬十一月信還擊虔州先鋒始至虔兵皆潰遂拔虔州追執全播於雩都十國春秋

南唐保大元年癸卯晉天福八年冬十月嶺南妖賊張遇賢自

號中天八國王改元永樂置官屬羣盜皆絳衣問神所

嚮神曰當過嶺取虔州遂襲南康節度使賈浩不能禦遇賢據白雲洞造宮室有衆十餘萬連陷諸縣中主景

遣洪州營屯都虞侯嚴思馬令嚴思南唐書通事含人邊鎬

率兵攻之遇賢問神神不復語群盜皆懼遂執遇賢以

降五代史南唐世家

虔有書生白昌裕沉密有謀邊鎬引與定計刊木開

道襲白雲洞會遇賢所事神棄去不復降語賊衆遂

潰其裨將李台執之以降陸游南唐書

宋英宗治平元年甲辰以蔡挺提點江西刑獄兼提舉虔

州鹽法時鹽寇千百為群患苦州縣挺喻所部與期使

自首納器甲原其罪得兵械萬計盜賊從此衰息宋史本傳

高宗建炎三年己酉詔李邴滕康等權奉隆祐太后如

洪州綱目續編

贛州府志

卷二十六 武事

十

按是年金兵從大冶徑趨洪州十一月太后行次吉

州方五日金兵追急夜乘舟行至太和舟人景信反

楊惟忠兵潰失宮人百六十人後自萬安陸行如虔

州太后及潘貴妃以農夫肩輿行本豫章書至虔州時虔州

府庫皆空衛軍所給皆沙錢市買不售與百姓交鬪

縱火肆掠土豪陳新黨率衆圍城楊惟忠部將胡友

自外引兵破新於城下本孟后傳先是胡銓為撫州判官以

漕檄攝虔州幕未至而太后次吉州銓方在籍募鄉

兵助官軍捍禦金兵太后得脫幸虔本宋史傳四年庚戌春

三月遣盧益辛金宗奉迎太后東還本宋紀

四年庚戌冬十月虔州賊謝敦仁舉兵破石城本宋紀

紹興元年辛亥秋七月虔州賊陳容亂豫童書

二年壬子春三月李敦仁降及其徒皆授官四月陳容

焚龍川縣命江西安撫使討之豫童書冬十二月虔州賊謝

達犯惠州陳容陷汀州圍潮州不下引兵趨江西宏簡錄

三年癸丑春二月虔吉盜周十隆等連兵犯循梅汀州

詔岳飛合兵捕之夏六月飛遣張憲王貴擒斬虔賊彭

友餘悉降曲赦虔州命飛班師留兵三千屯駐虔廣彈

壓盜賊同上宣諭劉大中奏令飛討虔吉諸郡盜賊固石

洞賊彭友悉衆迎戰躍馬馳突飛麾戈即馬上擒之餘

酋退保其洞高峻環水止一徑可入飛列騎山下令皆

持滿遣死士潛入賊巢黎明奮擊賊潰蔽山而下騎兵

贛州府志

卷二十六 武事

圍之賊號呼丐命飛令勿殺受其降帝以隆祐太后震

驚之故密旨令屠虔飛請宥不許請至三四帝乃曲赦

虔虔人感其德繪像祠之宋史岳飛傳

四年甲寅秋八月周十隆降爲官軍所掠復遁豫童書

五年乙卯冬十一月以李綱爲江西安撫制置大使綱目續編

按舊志云周十隆張大閑謝凱尹寶謝小鬼等攻破

興國雩都虔化瑞金等縣安撫使李綱遣州將何榮

申討之復興國縣追至贛縣界殺死賊衆五百餘人

後統制官李貴入寨招諭其黨悉就撫而十隆不從

七年丁巳夏五月詔李綱趣捕虔吉諸盜責諸縣募兵

訓練宋史本紀

十一年辛酉春二月虔吉盜悉平

豫章書

二十一年辛未秋七月東南第六將校齊述以八營四千人據虔州叛脅附者又四千人高宗命神龍衛四廂都指揮使忠州團練使李耕護殿陛之師致討尋命守虔耕至軍於獅子岡劉綱以洪州兵駐城東南張寧以循州兵駐城南張訓通以鄂州兵駐於北陳敏以福建兵駐於東鄧酢以寧都兵扼水東王歷陳修年以漕屬給餉十一月耕促雲梯天橋徑薄東北隅神臂弓交發命中礮十三梢飛石相屬敢死士先登賊棄城卷戰耕督麾下躡之賊敗縋西城訓通綱扼其衝半溺於江餘轉走城突張寧寨士鏖戰一賊不得縱耕築京觀列功

贛州府志

卷二十六 武事

十二

狀以聞將士遷秩有差

謝志

二十三年癸酉春二月巒虔州叛卒黃明等凡八人於

都市改虔州爲贛州

豫章書

寧宗開熙中范應鈴知吉州贛叛卒朱先賊殺主帥應

鈴曰此非小變也密遣諜厚賞捕之

宋史本傳

理宗紹定二年己丑秋九月石城張遇龍文勝反於平

固連破石城寧瑞興雩五縣安撫李壽明通判趙彥覃

督兵討平之

舊志

六年癸巳陳鞞知隆興府贛寇陳三槍據松梓山砦出

江廣所至殘虐遣官吏諭降輒殺之鞞乃決計除蕩

宋史

端平元年甲午春正月陳鞞進江西安撫使兼知贛州

至則斬將士之張皇賊勢及掠子女貨財者所至克捷  
分兵守大石堡斷賊糧道遂破松梓山親督諸將乘春  
瘴未生薄山下賊悉精銳迎敵韓軍步騎夾擊縱火焚  
其巢賊首張魔王自焚三槍中箭而遁追及下黃又敗  
之遁至興寧就擒斬於隆興市宋史本傳  
度宗咸淳六年庚午春三月吉贛南安數被寇出沒無  
時砦卒莫能相援因即要害立四砦每砦屯兵百地勢  
聯絡禦寇爲便擇三郡將官領之豫章書  
恭帝德祐元年乙亥元至元二年詔天下勤王江西提刑兼  
知贛州文天祥奉詔涕泣發郡中豪傑得衆萬人遂入  
衛盡以家資爲軍費綱目續編

贛州府志

卷二十六 武事

十三

端宗景炎元年丙子元至元三年秋七月文天祥開府南劍  
州經略江西冬十月天祥帥師次汀州遣趙時賞等將  
一軍趨贛以取寧都吳浚將一軍取雩都劉洙等皆自  
江西起兵來會宋史紀事

按恭帝德祐二年五月以後即爲端宗之景炎元年  
通志書二年者誤

二年丁丑元至元四年春二月吳浚降元因至漳州說天祥  
降天祥責以大義斬之三月天祥取興國縣夏五月天  
祥自梅州提兵出江西入會昌縣六月辛酉取雩都已  
卯入興國七月使趙時賞等分道復吉贛諸縣遂圍贛  
州八月元江西宣慰李恒遣兵援贛自將攻天祥於興

國天祥不意恒猝至遣兵戰鍾步不利乃引兵就鄒鳳於永豐鳳兵亦潰天祥至空坑兵盡潰挺身走循州諸將皆被執宋史

按信國開府南劍在景炎元年而復會昌入興國則在二年舊志俱在元年且信國以大義誅吳浚在提兵出閩之先而舊志反書吳浚降元於走循州之後今更正

元世祖至元十七年庚辰吉贛盜起遷隆興元帥府以鎮之元史 順傳 邸

二十一年甲申春三月置贛吉撫建昌戍兵元史 本紀

二十四年丁亥贛汀盜起江西行省參政管如德討平

贛州府志

卷二十六 武事

十四

之脇從者多所全宥元史 本傳

二十六年己丑鍾明亮寇贛州掠寧都據秀嶺詔遣江西省參政管如德爲左丞將兵往討夏五月明亮率衆投降閏十月明亮復叛江羅等應之聲勢張甚詔月的迷失復與福建江西省合兵討之且諭旨明亮既降令遣赴闕而汝玩常不發致有是變自今降盜其即遣之是年葉仙鼎爲江西行省平章政事巨盜鍾明亮積年爲害仙鼎討平之元史 本傳

二十七年庚寅鍾明亮等復降詔徙爲首者至京餘黨給糧江西行省上言吉贛湖南廣東福建以禁弓矢盜益發乞依例許尉兵持弓矢從之元史 本紀

按葉仙鼎當是同管如德於二十六年平明亮者仙鼎爲行省平章政事如德爲行省叅政故其本傳皆云討平明亮也又仙鼎安志作鼎者訛二十七年明亮復降之後江西行省復奏吉贛等處盜益發信豐縣志則載至元中信豐寇起僉江西行中書省事李世安冒雨夜行五十里抵賊巢出其不意盡殲之後賊黨復聚凡十七寨世安招之出降斬首惡六人通志世安本傳亦同當另爲一事在明亮之後江西行省上言或即李世安信豐寇起當即所奏之吉贛賊黨時世安駐劄贛州就近冒雨夜行捕斬而盡殲之十七寨餘黨復聚招之出降也特參攷附書於後

成宗元貞元年乙未夏六月吉贛南安等處蠻寇竊發以軍民官脩禦不嚴撫字不至皆責而降之

元史紀

二年丙申冬十月贛州民劉六十聚衆至萬餘建立名號朝廷遣將討之多觀望不進賊勢益盛左丞董士選請自往進至興國距其營百里命將校分兵守地悉置激亂之人於法復誅姦民爲賊囊橐者於是民爭出自効不數日六十就擒餘黨悉散士選遣使奏聞但請黜賊吏數人略不及破賊事時稱其不伐

元史董文炳傳

董士選遷江西左丞辟元明善爲省掾會贛州賊劉貴反明善從士選將兵討之擒賊三百人明善議緩誅誤得全活者百三十人將佐白宜多戮以張軍聲

明善固爭以爲王者之師恭行天罰小醜陸梁戮其渠魁可爾民何辜焉既又得賊所書贛吉民丁十萬

於籍請火之以滅跡二郡遂安

元史明善傳

大德二年戊戌秋七月吉贛立屯田

元史本紀

仁宗延祐二年秋七月贛州民蔡五九兵起擒斬之

綱目

八月丙戌贛州蔡五九陷汀州寧化縣僭稱王號詔遣

江浙行省平章張驢等率兵討之臺臣言蔡五九之變

皆由昵匪馬丁經理田糧與郡縣橫加酷暴逼抑至此

信豐一縣撤民廬千九百區夷墓揚骨虛張頃畝流毒

居民乞罷經理及冒括田租制曰可

元史

五年戊午冬十月贛州路雩都縣里胥劉景周以有司

贛州府志

卷二十六 武事

十六

徵括田新租聚衆作亂勅免徵新租招諭之

元史本紀

順帝至正十二年壬辰淮寇起所過會昌興國皆陷贛

州路通判王榮忠駐劄雩都募鄉勇練習

十三年癸巳春二月王榮忠引兵復會昌

俱雩都縣志

十八年戊戌秋九月陳友諒陷贛州路江西行省叅知

政事全普菴撤里及總管哈海赤死之

元史本紀

二十四年甲辰

明太祖元年

春二月陳理降時熊天瑞尚據

贛州秋八月命常遇春鄧愈率兵討之九月遇春等圍

贛州未下太祖諭之曰熊天瑞因處孤城猶籠禽阱獸

豈能逃逸但恐城破之日殺傷過多要當以保全民生

爲念一則爲國家二則可爲未附者勸時天瑞拒守益

堅遇春乃浚濠立柵以圍之明史紀事

熊元震本姓田氏善戰有名天瑞養以爲子常遇春之圍贛也元震竊出覘兵勢遇春亦引數騎出猝與相遇元震不知是遇春過之及遇春還始覺遂單騎前襲遇春遣從騎揮刀擊之元震奮鐵撾且走且戰遇春曰壯男子也喜其才勇後從天瑞降薦爲指揮使明史陳諒傳又永新人尹堅從熊天瑞據贛爲兵馬指揮登城飛鉅石傷遇春頰明日天瑞降堅將自殺遇春召慰曰好男子當如是留置幕下還朝言於上命武士與角力皆不支以爲直殿將軍舊志

二十五年乙巳明太祖吳二年春正月熊天瑞被圍日久力不

贛州府志

卷二十六 武事

十七

能支及降其所統南安雄州韶州皆下太祖聞遇春克贛不殺喜甚遣使褒諭先是天瑞橫斂取民財恣命罷之陸仲亨從遇春討贛州天瑞降爲贛州衛指揮使節制嶺南北新附謝郡調兵克會昌悉平諸山寨明史本傳按明史黃彬傳云太祖至隆興命歐普祥仍守袁州而以彬爲江西行省叅政未幾普祥死彬領其兵是普祥未嘗至贛也舊志采袁州府志中語謂克贛之役祥及彬功爲多殊與正史牴牾而黃彬戰績多在吉安故削而不錄

明太祖洪武十八年乙丑廣賊周三官謝仕真攻劫龍南信豐雩都等處破其城焚掠甚慘聚衆至萬餘明年統

兵官尹和先用計擒賊二子乘勝督兵討平之

二十三年庚午春正月贛州賊夏三復結湖廣峒蠻為

寇總兵東川侯胡海左右副總兵普定侯陳桓靖寧

葉昇討平之俘獲萬七千人

史明

洪武末贛賊陳平作亂江西按察使司使河道旻討

之而罪其首惡

萬姓統譜

按通志秩官僉事中有河道旻福建泰寧人

成祖永樂十一年癸巳春正月謫戍弩哈兒伯顏等

廣東廉州至贛州復叛伏誅

豫章書

宣宗宣德七年壬子會昌長河賊朱南鄭劉伯昂為

閩粵江西三省流劫邊鄙鄉勇李梅五擒其驍賊鄭

贛州府志

卷二十六 武事

昂稍却退巢石背三省會請征勦東廠太監督兵屯

於禾溪年餘無功乃懸賞招勇敢士有武平人邱景屯

應募討賊

舊志

宣德間贛州信豐諸縣盜命勉撫之招徠三千六

百餘人亂遂定

史明

按寧都陳勉傳內稱宣德癸命征會昌長河峒賊

首朱南鄭就撫議置守禦及司民獲安堵癸丑

宣宗八年本紀未載信豐等疑即征會昌長河

事也

英宗正統四年己未秋七月邱京崇術潛入賊營

賊不疑因率十一戶親族子弟人偽從賊與造

器約官兵爲外援十二月就筵間擒朱南鄭劉伯昂事  
平主聞各以石背土田分賜十一戶世襲把總舊志  
十四年己巳春正月湖廣寇蔡妙光自稱傳度彌勒佛  
眉間一瘡痕名爲三隻眼鼓衆倡亂攻破龍南尋討平  
之舊志

按蔡妙光之亂舊志十三年而明史本紀則十四年  
蓋發於戊辰而平於己巳也今從明史

天順四年庚辰嶺寇犯贛州右布政使王恕率師討平  
之安輯流冗

六年壬午朱紹綱入信豐縣界據新田裏羅老營場爲  
巢大掠者十餘載新田約長黃習率鄉勇搗其巢擒紹

贛州府志

卷二十六 武事

十九

綱於螺峰斬之

長河峒賊朱紹綱謀叛郡縣騷按察使副使余復  
往贛督兵討之生擒紹綱等七十餘人賊平賜綵幣

寶鈔

南昌府志

憲宗成化元年乙酉春二月廣賊寇贛州龍南巡按江  
西御史陳選布政使翁世資按察使林鶚都指揮王貴

討平之

豫章書

八年壬辰草寇李復正聚衆於南村洞同知章廷圭討  
平之蔡志

十九年癸卯立長沙營設守脩統兵駐防又於羊角水  
堡置會昌千戶所撥軍防守

二十一年乙巳夏五月南贛盜起命僉都閔珪撫治之  
二十三年丁未秋八月石門賊楊九龍合武平賊劉昂  
攻破信豐大掠龍南督守大監鄧原以聞命江西巡撫  
李昂督三省兵討平之擒斬九龍等議設叅將等官於  
龍南石城要害處董志

孝宗宏治三年庚戌程鄉賊彭錦糾龍南賊黃秀琦出  
攻信豐大掠境內龍南紀事

八年乙卯夏四月始設南贛巡撫明書本紀廣東左布政使

金澤遷都察院右副都御史巡撫江西兼督閩廣湖湘  
許以便宜行事莅任七年尋以事寧裁南贛巡撫豫章書

冬十月汀漳盜王魁蔡郎綱等流入信豐竹篙嶺龍南

贛州府志

卷二十六 武事

二十

象塘堡大肆劫掠義民廖思閏老人陳受統率家屬擊  
敗之思閏及受死於陣江西通志

武宗正德元年丙辰巡按御史臧鳳上言四事一謂假  
兼制以安地方南贛二府接連三省流賊出没東西地  
方不相統攝文移約會動淹旬月以致賊多散逸事難  
就緒宜命都御史兼制四省接境府州隨宜調度則盜  
可息詔可施行謝志

三年戊辰春二月贛州大帽山賊何積欽等寇起官軍  
屢年不能克左都御史陳金以屬郡兵不足用奏調廣  
西狼兵督副使王秩等擊之獲積欽俘斬千七百餘人  
是年會昌賊犯縣境知縣汪穎率兵禦之親冒矢

史明

石賊衆却走會昌志

四年己巳王哲以僉都御史巡視南贛汀漳等處會江西盜起命哲往撫叅議俞諫計擒程鄉賊酋鍾士高陳五長等往年爲安遠信豐受害者駐師三月民不知兵十一月二十三日禾豐走報有武平賊自長河嬈村來時已昏夜城中人不設備賊五鼓渡河從城西角梯而入時袁僉事某聞賊陷城出避萬壽僧舍賊從閣上邏得見其氣壯言正不加害挾之同宿布政行司前梅氏祠次日將撤營去有留之者因復駐掠城中婦女二百餘人燒燬房屋殆半殺孫嘉亨等五人其留賊者賊疑之亦見殺都事零紀

贛州府志

卷二十六 武事

二一

五年庚寅春三月江西賊熾右都御史王哲巡視南贛

武宗紀

六年辛未程鄉賊鍾仕錦攻劫附近鄉邑都御史周南招降賊首何積玉及餘黨千餘人擒仕錦戮之安插朱貴等三百餘人於羊角水堡後積玉復叛知縣蔡夔督民兵格殺之安插餘黨葉芳等爲新民舊志

七年壬申正月南贛巡撫都御史周南率兵攻破大帽等山寨盡平之大帽山界江閩廣三省賊首張番壇李四仔鍾聰劉隆黃鏞等聚徒數千攻陷石城萬安諸縣南分遣江西兵從安遠入攻破巢穴七廣東兵從程鄉入攻破巢穴九福建兵從武平入攻破巢穴八擒番壇

等斬之俘獲賊屬奪回良善甚衆明事紀

是年龍南山賊黃秀璣謝越賴振祿聚衆劫掠鄉邑贛

撫蔣昇討平之龍南事紀

又黃鄉賊從廣昌俘朱叅政某直薄城下知縣林信以

金帛往贖給之密募勇士歐忠夜襲賊壘挾朱入城賊

黨遂遁去

會昌志

九年甲戌贛州賊起兵備副使胡世寧行金谿縣委官選機

兵四百名赴廣昌防守

金谿志

十二年丁丑春三月南贛巡撫王守仁調三省兵攻信

豐龍南流賊連敗之賊突至信豐守仁令乘險設伏厚

集以待之乃潛兵往徑道夾攻賊奔潰於象湖山拒守

贛州府志

卷二十六 武事

二二

又潛搗其巢穴大敗之賊復潰入流恩山岡等巢尋遁

去秋七月守仁請提督軍務許之明事紀

是年二月龍南反招賊首黃秀魁糾合廣東龍川縣

洌頭池大鬢即仲容大安大昇謝志作仲安等共爲一陣

賊首黃金巢自爲一陣勢甚猖獗副使楊璋差義民

蕭承往撫賊返原巢又委百長王受等同已招賊首

黃秀璣往安遠截捕流賊賴振祿等行至湖江背秀

璣反招令伊弟大滿細滿等燒燬劉必甫房屋仍與

振祿連謀行劫受督率兵快於黎坑磔下殺獲黃秀

璣大滿細滿積瑜首級四顆四月池大鬢同賊首黃

秀魁陳秀顯等糾衆四百餘打劫千長何甫等家王

受率兵夫於陳口水交鋒殺獲首從賊人陳秀顯等  
一十二顆餘賊遁歸巢

王文歲全書

十一月王守仁乎桶岡寨還至贛州議討泃頭賊初守仁之平詹師富也龍川賊盧珂鄭志高陳英請降及征橫水泃頭賊將黃金巢亦以五百人降獨池仲容未下橫水破仲容始遣弟仲安來歸而嚴爲戰守備守仁勞以牛酒問故仲容詭言珂志高吾讎也將襲我故爲備守仁佯杖繫珂等陰使珂弟集兵以待遂下令散兵歲首大張燈樂十三年戊寅春正月賜仲容以新歷誘入謝仲容率九十三人營教塲自以數人入謁守仁呵之曰若皆吾民屯於外疑我乎悉引入祥符宮厚飲食之

贛州府志

卷二十六 武事

二三

賊大喜過望守仁密進兵留仲容觀燈樂正月三日大享伏甲士於門外謝賊入以次擒戮之自將抵賊巢連破上中下三泃斬馘二千有奇餘賊奔九連山官軍進擊擒斬無遺乃於下泃立和平縣置戍而歸自是境內

大定

明史王守仁傳

龍南龍川之交有三泃水渠魁池仲容巢穴也有幻術急則遁形水草名爲插青正德丁丑王陽明既平橫水桶岡遂計誘之觀燈使人與之格鬪傷其目因醫翳其瞳子搗其巢穴而盡殲之

名勝志

世宗嘉靖五年丁亥春正月都御史潘希曾令贛州府通判董鳴鳳指揮劉鏜等合兵討泃頭賊曾惟德王尚

珂譚崇尚李正璉等失利復命同知伍佐指揮姚璽統兵繼之又檄都指揮吳山陳鑒協力進勦戰於龍南太平堡中涓等處擒賊首曾惟德鬼吹角等一百七十名追至曲潭及九連兵奪回被擄官員董鳴鳳擒斬賊徒四十名各賊潛竄二省

十四年乙未分巡湖西道周相來攝贛南道事有安遠人杜栢素以武健擁衆自雄王守仁督虔時招之榮以冠服安插其衆二□人於□□外號新民宸濠反栢從征不受約束攫金而還守仁不問由是益脇制邑民見者輒蒲伏相至贛□□□□□□狀乃佯曰栢富招怨耳碎其狀衆益憤群走□□□院冀得轉於相栢

洞知告者姓名□□百餘人□□狀內有名之家不遺寸椽半瓦有孫宏者□□將及聚族千丁自保其姻葉天序亦糾族丁千人□□爲寨潛奔告於相相諭之歸曰過端午出巡爲若等理積訟宏序歸途懼栢邀殺急投黃鄉保曾婆婆令□□目領三千人合宏序之衆爲一大寨曾婆者舊所稱滿□葉芳妻也夫死代領其衆栢見宏序得曾援難動乃上變告孫宏□天序合黃鄉保賊反燒城門殺官兵軍門信之發兵一千三百令四指揮部領赴□聽調度討宏序相親書密揭軍門白宏序不反反者□栢也絕不使吏人知而陽戒不得泄軍門討宏序之□泄者罪無赦又陽戒四指揮如前指

揮故與栢連左言曰栢實罪魁宏序何宰相故歎息曰如軍門之令何吏人等潛馳告栢栢遂弛備相發南康遂至安遠乃大閱差千戶五各領旗牌一押孫宏西去一里許聽理一押葉天序東去一里許聽理一押滿總十頭目兵歸黃鄉保一同典史疾馳安遠諭新民出城押歸原畊住處一選帶素與栢厚者數人就安遠諭栢赴理五旗牌一時齊發栢計窮來伏庭下相曰栢既來是非須集衆庭鞠之械宏序送鎮撫司監候而密具舟五十艘分載諸兵將畢忽執二犯乘夜順流歸贛栢黨千人馳至信豐聞栢已縛去各散歸遂反接栢及惡僕杜龍杜虎親家黃金璋獻俘軍門會新道至亟杖殺四

凶然後行

舊志

張尚瑗曰孫宏所投黃鄉保曾婆謝志以爲滿總葉庭椿相距七年豈李順不死儂智高尚在乎前正德四年周文化招降程鄉賊何積玉已而復叛知縣蔡夔擒捕之安插餘黨葉芳等謂之新民芳自號滿總則是芳死而曾婆代曾婆死而芳之兄復披猖也按名勝志云大帽山在黃鄉保中有老虎隘林木深阻鳥道三十里內絕無人烟群盜窟其間多歷年所最後程鄉人葉芳來併諸盜有衆七千分爲七哨自號滿總芳死妻曾氏代領其衆同黨杜栢欲娶之不許又辱其媒因而相仇嘉靖乙未年尚有衆三千頭

目數十號曾婆兵曾死芳兄廷椿領之始末最爲明  
晰鳳渚在能始之前顧未之深攷耶

十五年丙申設坐營參將於贛州專司團練舊志

十六年丁酉冬十月從南贛提督王浚議復設南贛縣

捕盜主簿豫章志

二十一年壬寅安遠黃鄉保新民葉廷椿作亂黃鄉離  
安遠縣治二百里與廣東和平平遠龍川等處接壤中  
有大帽山綿亘數百里久爲盜窟有葉芳者王守仁嘗  
用以平桶岡泐頭後驕橫不受約束芳死兄廷椿領其  
衆肆暴尤甚副使薛甲計擒之并其二子選葉金爲千  
長以撫其衆虔撫虞守愚請於田背築城堡設巡檢司

贛州府志

卷二十六 武事

二六

移安遠提備之兵駐扎其地又於長沙營羊角水堡築

城防守舊志十二月廣賊蔡子顯等寇贛州殺指揮斯

邦爵斯泰子主簿蔡思賢豫章志

二十二年癸卯冬十二月雩都官兵捕獲葉珊廖涯等

二十餘名龍南官兵獲陳英等四十三名逋寇漸次削

平大江志西

三十年辛亥冬十一月和平岑岡賊李文彪稱亂都御  
史張烜討之高砂千總陳貴爵與賊通漏師賊襲執指  
揮金爵及戰貴爵爲外應遂敗明年遣指揮謝勅諭降  
賊乃殺貌似文彪者以給之撤兵後偵知其僞復遣勅  
入巢切責乃殺貴爵而文彪竟得逃死史明

三十六年丁巳春三月龍南賊賴清規據下歷堡以叛清規本平民素有機智嘗從征三泖有功後克本縣老人善爲人解紛縣官信任之偶以族人獄事干連法應配時一郡倅署縣事素清規賄不饜逼之清規逃匿倅踪跡之愈急因聚衆拒捕反龍南之橫岡信豐之員魚逕腦安遠之大小石伯洪俱爲所脅合岑岡賊李文彪高砂賊謝允幢號三巢而清規爲雄嘯聚十年地方受其荼毒同上

三十六年丁巳流賊蔡俊率衆千餘直簿會昌城知縣陳仕既預脩守禦之策復諭之以理賊見不可犯遂遁

去會昌志

贛州府志

卷二十六 武事

二七

三十八年己未岑岡賊李文彪合下歷高砂汶龍等巢

出劫定南紀事

三十九年庚申流寇自閩入雩都境探知守埤者皆困謀夜襲之於是初夜發自會昌峽意更深必抵城下會過良篷灘失利比抵邑已向曉矣舟至東門岸上人鼓譟禦之保伍易懷瓘發矢斃其張赤幟者賊氣大奪遂不敢窺城趨興國入吉安界雩都紀事

四十年辛酉饒平賊張璉故爲斗庫欺侵絳法遂以失計良家子作亂閩廣諸巢賊附之夏五月流入興國自龍沙出梁口萬安及泰和殺副使汪一中執叅議王應時遠過衣錦營長信里温陂等處焚劫一空新撫陸穩

遣安遠知縣石廩領黃鄉葉槐等兵禦之擒斬數十人  
賊敗走出境史明

按張志云嘉靖三十九年初安遠葉槐與岑岡李文  
彪作亂安遠知縣章彬之壻從其巢回死彬疑中毒  
用奸民王昭等策矯軍門檄集兵攻之反爲所敗岑  
岡亦激於指揮李种輕聽王本奪文彪妻弟婦判歸  
王本摧抑之文彪怒發兵圍龍南焚掠甚慘遂合廣  
東流寇掠石城瑞金雩都南康贛縣進及泰和殺汪  
副使及各指揮軍潰贛撫楊伊志坐罷而以布政陸  
穩代之諸寇尋平槐亦就撫按岑岡賊出劫在三十  
八年廣寇殺汪副使在四十年首尾三年併爲一歲

贛州府志

卷二十六 武事

二八

之事且葉槐曾領兵禦寇矣則其就撫歲月宜在平  
寇之前敘次亦爲未覈而致亂始末紀載特詳故錄  
之

四十一年壬戌奉詔會師二十萬分爲七哨大勦張璉  
兩廣兵駐潮州福建兵駐漳州江西兵駐建昌贛兵駐  
汀州監軍御史段顧言駐節贛城紀驗功過時督撫陸  
穩總江浙勁兵六萬屬叅將俞大猷將之璉出攻漳州  
諸帥乘虛搗巢璉急回自保大猷計誘賊黨郭工鏡等  
賣璉以獻兩廣以饒固其地不肯子虔哨奪璉去璉既  
擒諸巢或勦或撫悉就平定激水志林  
四十四年乙丑春三月賴清規等流劫信豐會昌安遠

等處官兵敗之冬十二月叅將蔡汝蘭計誅逕腦賊鄧  
東湖兼程進兵盡屠其黨定南紀事

四十五年丙寅南贛提督吳百朋上疏請討三巢賊從  
之世宗實錄夏六月都御史吳百朋親督叅將蔡汝蘭等官

兵進勦下歷賊首賴清規伏誅先是百朋上疏討賊知府黃  
宸請單騎招撫百朋佯許之清規意欲緩兵聞府官來  
撫率衆稽顙待命開道送歸百朋乘賊懈亟移鎮信豐  
檄兵脩李佑督諸路兵於六月初二日分哨進攻長沙  
營把總暴以平首破楊梅牌斷賊右臂逼賊巢賊戰皆  
失利遂奪神仙嶺賊益蹙退保鐵爐坑同知李多祚督  
黃鄉兵俘斬甚衆縱火焚其巢賊奔樟木嶺各路兵夾

攻不能支復奔入羊石鏡鈹清規率親信五六百人踞  
銅鼓嶂嶂爲龍川地昔儂智高所據爲密穴者汝蘭選  
勁卒六千人從閒道圍守三寨自以大兵殿後又架天  
車爲仰攻計坐營都指揮王如澄先登七月初四日破  
鏡鈹寨初六日破銅鼓嶂清規計窮謀夜走葫蘆岡爲  
隘兵所扼反走回苦竹嶂匿茂林中副將孔宗周偵知  
之領兵搜獲清規自殺戮其屍髮長七尺下歷平高砂  
謝允樟悔罪自縛詣軍門獻地乞爲編戶乃即其地建  
定南縣事在隆慶三年初議下歷築城建館移捕盜通判主簿  
統兵五百駐劄防守都御史張紳謂非久安計奏立縣  
治開設學校信豐龍南安遠三縣皆得宴安定南紀事

神宗萬歷三年乙丑秋九月都御史江一麟知府葉夢熊計殲黃鄉保賊首葉楷等黃鄉寇盤踞有年四月內保民劉載永嚴順民等請增設縣治夢熊以告一麟曰是其衆可攜也乃先令其子弟來郡塾就學以恩深結之楷怒其背已向官遂相讎殺又密致載永順民及尹明遂溫時選等假以把總銜俾爲內應遣梁正環陳俊賴琪等予以招降旗數千免死票三十懸賞格令伺便行事秋九月一麟乃發兵分四路叅將郭千東路入由勞田安遠知縣張行可西路入由太平保定南典史張尚禮南路入由大小石堡皆把截防其奔逸中路則贛通判徐廷輔及贛衛千戶孫韜李賓入自黃鄉雙橋搗

贛州府志

卷二十六 武事

三十

賊巢正環等豎立降旗衆星散無與官兵敵者楷勢孤走匿賴舍廟兵圍之火其廟遂焚死擒斬支黨葉盛文盛科吳富珠等俘獲家屬兒婦並黃繖牙轎大白綾旗諸違禁器物一麟奏捷疏聞叅政張士佩副使朱茹及夢熊等敘賚有差明年立長寧縣

舊志

八年庚辰夏六月龍川猴嶺賊鮑時秀叛知縣劉世懋立四隘禦之

定南紀事

三十二年甲辰劇盜陳上新大掠長寧縣知縣凌位詳請會勦追至大石堡鄉勇葉佳士擒之

定南紀事

三十九年辛亥劇盜林保壽劉和尚等劫掠大石堡生員范繼純擒解軍門知縣洪有觀以武功旌賞

定南紀事

熹宗天啟五年乙丑廣賊丁天勝掠定南縣殺鄉民胡敬泉等後二年廣賊鄒豹子復劫伯洪保定南紀事

莊烈帝崇正元年戊辰夏四月了婆總蘇囊計了婆邱賊數

千攻安遠縣擄掠一空城陷挾知縣沈堯封去邑紳富

戶購銀贖歸五月復至城中有脩環攻不入焚城外民

居尋破定南下歷執巡檢湯之訓殺僂甚多復攻圍定

南署縣事贛縣訓導嚴可衆堅守不下把總董光同羊

角營把總趙龍力戰死舊志

二年己巳廣賊張庚子劫掠龍南境把總邵某同典史

薛澄統集千長徐棠廖尚口袁思唐等追勦至上蒙堡

伏發官兵被圍邵奮鬪死之並殺徐棠袁思唐及鄉兵

贛州府志

卷二十六 武事

三一

百餘人龍南紀事

三年庚午九蓮山賊瘟痢總掠龍南地界邑中戒嚴時

廣賊謝志良流劫四處巡撫王之良招撫之

四年辛未寇鍾三舍等犯定南縣知縣陳日炳統領機

兵鄉勇禦之三舍等一夕遁去定南紀事

五年壬申粵賊了婆總流劫贛吉屬邑雩都各鄉受禍

甚慘贛閩二撫遣將協勦追至泰和界賊就撫舊志

十五年壬午廣賊閩王總剛刀總番天營豬婆總凡十

餘種流劫各縣村落明年攻破安遠及石城諸寨舊志

十六年癸未密教楊細徠以妖言惑衆細徠定南何氏

家奴也流浪數載突歸恐嚇愚民立教堂於定南樟田

密約於六月初一日齊赴龍華會至晚選精丁授以兵  
具詭云至下歷司踏勝地舉刀疾呼其城自崩至司試  
其術不驗營兵礮發傷數人衆悉奔潰細徠欲逃廖先  
宏黃時振計擒之巡道章自炳聞變馳至斬於西門斬  
後雷隨擊之龍南紀事冬十一月設南贛兵三千以副總  
兵鄭鴻逵統之明史紀事  
十七年甲申粵寇數萬自稱閩王總分部數十大營擄  
劫南贛二郡所過莫敢迎敵十月初賊衆蜂屯會昌信  
豐界時邑廩生李蕙春集團練鄉勇防禦賊至馬嶺唐  
村蕙春率衆堵截賊分隊四集奄至禾豐蕙春鼓勵鄉  
勇揮刀突入賊陣賊卻旋有賊衆拔營來援蕙春猶持

贛州府志

卷二十六 武事

三二

槩赴敵衆寡不敵遂歿於陣知縣張魯傳上其事於撫  
軍林一柱移文分巡嶺北道于鉉檄縣議立祠祀之于  
鉉給金致祭蕙春青年能文多智畧尚氣節善騎射  
國朝順治二年乙酉十一月閩賊復擁衆數萬至雩南岸  
擄船渡江攻具甚備邑令張魯傳督集在城壯丁矢石  
銃弩一時齊發賊舟不得泊午刻官兵至城中出黍餉  
兵爭出城助官兵撲賊賊拔營南走至次年丙戌賊就  
撫領家屬數萬自五月初七駐雩城至七月初二始撤  
營歸廣東城外房屋書院寺觀盡被拆毀各鄉人畜擄  
殺殆盡以上雩都志摘  
是年五月南都破

大清兵下江西時吉水翰林劉同升將挈眷走閩自雩都至贛同清江職方主事楊廷麟依巡撫李永茂謀大舉集紳士於明倫堂勸輸兵餉九月復吉安臨江廷麟守吉安十二月同升卒三年丙戌春正月唐王加萬元吉總督諸軍兼巡撫至贛守吉安吉安破元吉入贛大兵乘勝抵城下給事中楊文薦過贛共守禦江西巡撫劉遠生令張琮將兵趨湖東及贛圍急遠生自出城召琮於雩都贛人曰撫軍遁矣怒焚其舟拘遠生妻子俄遠生率琮兵至贛人乃大悔琮軍渡河抵梅林中伏大敗五月渡河再戰被獲逃歸廷麟復戰梅林再敗乃散遣其軍入城六月望

贛州府志

卷二十六 武事

三三

副將吳之蕃以廣東兵五千至圍漸解未幾復合唐王聞贛圍久獎勞之使尚書郭維經來援維經與御史姚竒允沿途募兵得八千人元吉部將汪起龍率師數千雲南援將趙印選胡一青率師三千大學士蘇觀生遣兵如之兩廣總督丁魁楚亦遣兵四千廷麟又收集散亡得數千先後至贛營於城外水師帥羅明受屯南安八月大兵聞水師至夜截諸江焚巨舟八十死者無算火藥戎器盡失兩廣雲南軍不戰潰又聞汀州破人情震懼十月初四日大兵用嚮導夜登城鄉勇猶巷戰黎明兵至城遂破楊廷麟萬元吉郭維經俱死之□□

史

按贛城圍守相距經年此鼎革時一大關鍵也舊志缺而不書今摘明史列傳略存其概云

是年四頭營賊據信豐伯石保約長黃一爵率鄉兵擊之殺渠魁文都冬十月賊復據新田平地山明年正月一爵率鄉勇從石門逕入搗其巢溪水皆赤舊志

是年南埠葉之春招兵號南營奉調勦蘇溪叛僕遂驕悍不受節制因憤楊坊鄉兵誤殺葉賡廷糾衆萬餘報仇攻彈子寨脅和乃解後由南安至黃荆高樓大兵殲之其同族葉南芝亦糾衆數千至南安率隊逃回龍南

事紀

四年丁亥春黃沙劉耀中反耀中本楊細徠徒細徠伏

贛州府志

卷二十六 武事

三四

誅耀中恚忿乘閩寇入定南附之仍聚密教徒衆列幟據寨二月知縣呂應夏往撫不就調通縣鄉兵圍勦耀中求救於閩寇閩寇數百突衝義勇營柵殺典史戴光陞及紳衿兵民數十百人應夏僅以身免贛撫劉武元總兵柯允盛遣兵討平之龍南志

是年有滋陽王妃攜一幼子流入南埠葉南芝率衆以王禮事之留居梅子寨通廣寇馮高鳴共相佐護劫掠其族葉啟鳳詣縣告變賊誘殺之總兵柯永盛調副總兵孔國治等搗其巢執王妃母子及南芝解贛城殺之

龍南志

是年粵寇謝志良糾黨數萬圍長寧城月餘知縣錢竒

嗣率十營士兵乘賊持久氣怠出城擊破之

長寧志

五年戊子春正月金聲桓王得仁據南昌反率兵圍贛州先是萬元吉未敗時嘗以書招聲桓聲桓頗心動陽繫致書者於獄夜半釋縛勞問元吉起居遣之及大兵破贛元吉死聲桓內不自安會信豐諸生曹兌光從閩來妄言唐藩在平遠五子砦聲桓狐疑得仁以勢迫之遂以戊子正月反二月得仁陷九江聲桓召還與議所向得仁欲趨金陵聲桓客黃人龍曰贛居上游文武督鎮在焉此腹心患也宸濠之事可鑒矣聲桓然之決計南攻贛州都督高進庫等與戰不利堅守以挫其鋒聲桓乃檄得仁悉力攻贛自引軍踰嶺陷南雄韶州邀

贛州府志

卷二十六 武事

三五

粵將李成棟同叛成棟從之時明桂王由榔擅號廣西江廣合從殘燼幾於復熾贛以孤城亘其中大兵得再克捷四月固山譚泰自饒州統兵攻南昌九江以偏師來會聲桓得仁先後引退贛兵追擊之得仁大敗九月成棟將兵救聲桓自南雄出官軍敗其前鋒成棟陷信豐聲桓不敢進

舊志

是年興國煙兵蕭國忠姚章甫糾衆倡亂繼起者爲劉霖寰及王大勇宋朝宗等我兵前至興國誅姚章甫以柴震龍知縣事戊子金聲桓反南昌朝宗乘機殺震龍及典史武尚仁焚劫官兵署舍贛將號李捍刀者領軍來討大勇等戰敗官軍圍國忠於梅窖國忠死衆推霖

寰爲主大勇朝宗等分屯諸砦聲桓得仁提重兵寇贛相持四月官軍還自救不能討定

是年土賊魯斌羅聚奎等烏合亡命窺雩都至南岸將渡江會官兵駐雩郊外舉砲斃賊旗手賊氣奪回保禾豐時有蜚語誣城中與賊通者適推官蘇峻大從寧都過雩廉得其情力白巡撫因遣飛騎諭鎮將勿妄誅良民邑中賴以保全後魯斌爲土人漸次捕殺

是年定南舊令張於衡突入龍南索縣印以去未幾閩寇率衆圍龍南城中掘鼠而食蓮塘生員曾忠率族衆救援載穀三百斛奪路入城一時賴以稍甦然自是賊防截益密城中力憊不支自六月至九月城破殺知縣

贛州府志

卷二十六 武事

三六

呂應夏久之食盡拔營去

是年秋七月會昌亂民受叛將金聲桓僞劄知縣邢以政奔告贛撫劉武元發兵屠之八月賊首黎都乘亂據城生員劉震率鄉勇擊之戰於邑之南山嶺殺傷甚衆後兵潰震被擒死之賊恐援兵至遂棄城去

會昌志

是年廣賊四營頭攻安遠知縣郭自修差健卒縋城間道詣府請兵副將楊遇明孔國治統兵夜造其城殺賊首三千級圍解

舊志

六年己丑正月南昌破金聲桓王得仁伏誅三月固山譚泰及撫標中軍楊遇明兵臨信豐李成棟縱兵焚掠飲醉出城渡河溺死 大兵至信豐拒命者漸次掃定

劉霖寰欲降王大勇殺之約諸營拒□秋八月贛撫劉武元以守備李若垠署興國縣事與副將鮑虎提兵至擊宋朝宗於瀧下縛而沉諸水王大勇謀襲城若垠知之伏兵於鳳凰莊之松林大勇遇伏戰敗走匿贛撫劉武元招之出降爲其戚孫可貴所殺大勇部曲復殺可

□□□悉平

舊志

是年廣賊陳鳳廖九發張赤鬚楊大總等攻圍定南縣城以謝卜清爲內應城陷知縣曹邦偉死之明年鳳復犯縣署縣事王廷彥率鄉勇退之

定南紀事

八年辛卯知縣吉永迪奉劉都御史檄薦黃一爵督軍賊以吉在新田練軍十一月十一日將夜乘虛劫信豐

贛州府志

卷二十六 武事

三七

一爵偵知賊情夜伏於龍頭逕賊果至伏四起大敗之九年壬辰九月知縣吉永迪劉都御史檄進勦黃石砦副將楊某等同進兵數日不下楊遣旗牌招安賊支解以狗黃一爵曰某願往吉勉從之爵率親舅陳斗旋侄黃君秀不持寸鍊上砦諭以大義賊聽招撫後劉御史爵軍門守備副將楊某與吉爭功爵因堅辭官職

零都縣志

十年癸巳番天營流賊劫安遠縣長沙營孔田各寨擄掠男婦千餘副將賈熊平之廣東六坊賊李時戴等襲劫定南署典史蔡國相力戰被殺

十三年丙申春二月興國縣梅窖峒賊曾拱辰曾象□曾玉華劉元谷等劫掠永豐萬安泰和零都諸縣又與

青塘賊何輝明插血爲約梅窖峒周圍□山岩穴相連  
諸賊分踞峒口築土牆起瓦樓開砲眼圍外深坑洿池  
環繞官兵無可站脚遊擊洪起元左雲龍攻之不能破  
撫軍佟國器發大砲四位多造竹篋盛土并運大石填  
平施放大砲燒燬角樓賊始敗退拒峒口起元雲龍偵  
知賊峒深嶮曲折容四五千入峒內活水長流積穀甚  
多乃長圍遏賊出入門路嚴巡邏以防奔突困守數月  
乃就斃佟國器撫  
虔疏畧

十六年己亥秋八月廣東李玉廷聚集粵衆盤踞雩都  
佛婆里老虎山小莊等處肆行劫掠贛撫劉武元發兵  
勦捕玉廷率衆降既而復叛贛撫佟國器遣兵進勦玉

贛州府志

卷二十六 武事

三八

廷復踞龍溪山官兵攻圍數月未克賊復劫掠雩之水  
頭崇賢安平長樂佛婆安仁青塘坎田八里等處新撫  
蘇宏祖進討降其驍賊張寧等數十人玉廷勢促逃匿  
明年春獲之九山田舍梟首軍門賊衆悉平舊志

十七年庚子興國衣錦鄉蕭矮子聚賊黨數百於龍子  
逕劫掠鄉村擄男婦勒銀取贖貧民多死知縣向大捷  
招撫不從官兵至勦除之興國志

十八年辛丑冬十二月長寧奸民曹子布等爲亂知縣  
黃龍飛計擒殺之舊志

康熙八年己酉廷議分布安插閩漳投誠海寇遣海澄  
公標下都督總兵許貞屯田於贛縣蔡璋屯田於興國

縣志激水

十一年壬子流賊周海元聚衆作亂散布僞劄由廣東平遠入長寧安遠境內旋逼會昌羊角水堡會兵進勦逃於武平盤龍隘擒斬之志舊

十三年甲寅三逆煽亂贛州爲閩廣樞鍵謀以西路兵由南安南康東路兵由龍南信豐臨贛賊將楊鎮邦何興余賢分鬪取江西興賢得南安各屬傳檄而定鎮邦攻龍南久而不克兵多死賊奪氣不敢深入贛鎮劉進寶悉力固守贛得獨全志舊

是歲海上遺孽鄭錦擁衆窺漳泉興國屯將多鄭氏舊部與之通夏五月石昭於所屯處陳屋圍先發張治朱

贛州府志

卷二十六 武事

三九

明墾江背峒者領衆尤盛六月贛遊擊吳某統兵勦昭朱明率衆助戰興國典史錢志泗饋兵被殺兵隸盡殲屯將蔡璋誘石昭誅之秋八月張治率江背峒數千人圍城城上發大礮擊賊賊始退踞壩南會把總李邦祿從總鎮攻破大白帝賊還獲賊旗數十十九日距興國城數里令兵皆持白旗賊望之以爲援也邦祿出不意奮擊城中兵夾攻賊大敗退據崖石鯉公鯉婆樟石等砦黃捷先據寶石砦又有乾田黃泥割牛銅鑼及雩都之鷓鴣雲霄搖藍等十三砦志舊

五月粵賊王九萬林青袍寇會昌湘鄉攻破山寨及蕭帝巖屠掠甚慘秋八月攻左右水札中村羊角營守備

杜應元把總馮古孝等領兵督各寨鄉勇進勦戰敗冬十一月攻羊角水堡十三日攻會昌知縣王凝命率民登陴固守贛撫白色純總鎮劉進寶遣遊擊李天柱周球等領兵援勦賊夜遁

舊志

按通志云三逆構亂南贛騷動都御史白色純以江西巡撫移駐贛州賊得民率割其辮將士遇短髮者輒戮之民陷賊不敢自拔又賊先營城外百姓不得逸出兵至賊散見民皆以爲賊多俘其妻女色純愀然曰若不禁止民且胥化爲賊將拜疏釋之或謂恐無以別奸宄色純曰賊欲陰行間諜豈不能使有髮之人而顧以此自露形跡也賊起困窮安所得妻子

藉令有之亦萬中之一吾何惜一身以全千萬人耶疏上得報可民歸者相屬賊衆益蹙卒平之

十四年乙卯春三月崖石賊擁衆攻雩都北門不克而退又掠大小禾溪及寧都之尖坑等處秋七月賊首黃斯勝等由和平寇定南林堪率鄉勇禦之

舊志

十五年丙辰耿逆僞將軍劉應麟自汀州出陷瑞金會昌欲乘勢下雩都贛鎮哲爾肯遣遊擊許盛領兵鎮雩都賊不敢逼夏四月進取會昌偵知珠蘭涼篷灘賊伏大礮欲斷我兵來路盛於三更率勇健密趨賊營明晨水陸并進抵會昌西岸爲營初十日雩都報急盛夜設虛營增竈分兵援雩都遇賊峽口敗之至程口江復偵

知崖寇勾連閩逆萬餘駐水頭老虎坑意在攻取雩都  
盛令所部登舟揚帆而下佯爲贛州有急欲回策應者  
是夜潛師棄舟分兵三路直搗賊營斬級千餘又斬僞  
副將張進等四人賊潰散

舊志

是歲滇逆將韓大任遣其黨邱興佑據萬安之浪川洞  
與崖石相聲援勢益張賊黨陳達先入寇安遠境攻劫  
長河五堡僞提督馬某自平遠出攻屠長寧之城岡邨  
僞總兵李善長王割耳環攻信豐焚掠甚慘又僞總兵  
徐命久李長青王百萬王龍光盧日葵徐飛鈞等衆數  
萬攻陷定南復攻下歷司守備夏期生統集營兵知縣  
林堪典史王聰率鄉勇血戰斬王龍光等數百級賊乃

贛州府志

卷二十六

武事

四一

遁

舊志

夏四月賊首朱和尚等陷橫岡營督陣紅旗黃雲黃先  
勤率兵勦殺數百餘級五月賊復據伯洪保武舉繆元  
鑄同鄉練總任之遠張明會大戰三日斬獲甚多秋八  
月又敗之於大石堡斬王百萬兄弟九月賊衆攻破高  
沙保鄉千總陳大偉等力戰斬百餘級冬十月徐命久  
勾引僞總兵楊正邦等衆數萬由信豐至龍南謀攻下  
歷守備陳虎偵知之五鼓出其不意大敗賊於關西斬  
俘千餘乃遁去

舊志

按潑水志林云滇逆將韓大任之據吉安也興國村  
鄙抄劫無寧宇興國僑寓居人藍子明獨奮先禦賊

以少擊衆輒勝於是白石密石竹管峒楓邊箬坑皆  
連結自保衆推子明爲長嘗擊賊於迴龍峰其子死  
焉子明戰愈力賊乃退明年十月大任拔營走閩降  
十八年己未以尚之孝爲宣義將軍勦崖石時張治已  
死治妻楊氏代領其衆有僞參軍黃煜者吉安人興國  
知縣黃惟桂遣人以利害曉煜又單騎詣浪川洞招邱  
興佑與楊氏俱至縣就撫惟朱明據險如故之孝兵駐  
寧都夏六月抵崖石築長圍以困之贛總兵許盛知賊  
侍糧在乾田寨引兵屠之秋七月賊饑窘就撫賊乃平  
屯將不從亂惟洪徵一人全家死焉志舊

按乙酉以迄己未贛州屬邑兵寇相尋舊志事以類

贛州府志

卷二十六 武事

四二

從而不紀時日後先錯雜稽考無由今悉做編年體  
例詳紀歲月庶幾便於省覽

附 武勲傳

贛之武勲漢晉已多散見皆因事著蹟非有專職可  
傳述也其端已具武事志中茲搜次唐以後得二十  
四人或採諸史或本諸志爲之銓敘以附於篇立武  
勲傳

唐 謝 肇

南唐王 會

宋 陳 敏 錢 卓

明 陸仲亨 余 恩 袁 璫 趙 鉞 方 政

馮 廣俞大猷 蔡汝蘭 邵把總 董大勝

陳 烈 牛壽 謝武烈

國朝勒養蒙 胡有陞 姚自強 劉 進 管天祥

哲爾肯 李若垠

唐

謝肇字景初贛縣衣錦鄉人今隸興國唐乾符中從父帥  
義兵討戰功第一為安撫江嶺都護遣危全諷平諸竊  
號賊魁廣明元年庚子以本州刺史改韶州會寇起汀  
建逼虔遷百勝軍防禦使討平之已而閩越容管隸卒  
叛改容管經畧處置使督兵進勦肇止誅元惡解散逆  
黨奏功優詔獎諭進金紫光祿大夫檢校戶部尚書爵

贛州府志

卷二十六 武勳

四三

會稽子至今其鄉猶傳謝征蠻鐵兜鍪祠梧州名宦

舊參

志

南唐

王會廬州廬江人本名安少事吳武王王嘗臨戰升高冢  
望敵安捧唾壺侍側左右皆注目前視忽有卒持稍徑  
趨王莫能禦會置壺於地引弓射之一發而殪徐納弓  
弢中復捧壺立色不變王喜撫其背曰汝器度如此他  
日必富貴積功至袁州刺史烈祖代吳用為百勝軍節  
度使虔州與嶺南地接南漢使者往來節度使當燕勞  
問遺而會故名犯漢王祖諱乃賜今名昇元五年壬寅

卒年七十三

南唐書

宋

陳敏字元功石城人幼號竒童長工騎射弱冠從父行間以敢戰稱郡守薛弼薦於朝徵爲忠訓郎繼守劉昉江西總管康隨躬舉孝廉徵爲忠翊郎皆不就紹興癸亥會閩寇亂薛弼移帥福州辟敏授總領討賊賊平以敏爲殿前左翼軍統制已定齊述之亂進左武大夫興州刺史高宗召赴闕見其狀貌魁岸除破敵軍統制兼神勁右軍提舉守泗州金人議和詔退守滁陽敏疏滁非受敵之所改戍高郵兼知軍事二年冬敵騎長驅號八十萬聲震輦轂下淮陽海陵漣水數郡望風棄城走敏獨與敵相拒於射陽湖屢戰皆捷乾道元年乙酉進親

贛州府志

卷二十六 武勳

四四

衛大夫宣州觀察使召除主管侍衛步軍司公事居歲餘抗章曰久任周廬無以效鷹犬今兩淮無備臣以故部兵再戍高郵仍請更築其城乃拜光州觀察使兼知高郵軍事仍賜築城屯田費五年召爲左驍衛上將軍議者欲戍守清河口敏言楚州南北襟喉必爭之地宜先修此於是再出守高郵詔與守臣左祐同城楚州祐卒移敏代之北使過者觀其雉堞號爲銀鑄城七年坐歸正人二百家逃歸降福建路總管改江西甫數月復召至闕加慶遠軍承宣使兼知楚州經營北伐亡何卒贈昭慶軍節度使累封南康郡開國侯食邑一千戶加贈開府儀同三司使少師揚州祀名宦

錢卓字元立雩都人紹興初從主將陳敏討閩中劇寇何白旗滿山紅等三十二年壬午充御前神勁右將軍統領與番帥五斤連戰於海州大勝之女真知海州有脩不敢犯隆興二年甲申權發遣高郵軍爲陳敏所劾移建康丞相虞允文薦授武經大夫兩淮置制王之望辟除淮南路鈐駐揚州召對稱旨孝宗欲近用之間丞相葉衡衡以私嫌對江西茶寇未平且令卓收捕後用之未晚乃除江西路鈐帶節制軍馬卓到湖南茶寇已擒淳熙十二年乙巳朝廷錄諸將竒功海州與焉特與添差江西副總管吉州駐劄明年卒於官卓忠勇出於天性趙丞相雄徽猷閣直學士周操御史謝諤交奏其

贛州府志

卷二十六

武勳

四五

堪任將帥惜時無援之者不得盡其用

明

陸仲亨臨濠人年十七從高帝起兵累功致左翼統軍高帝征陳友諒於南昌亨先登有功從大將軍常遇春平贛州以亨留鎮節制南安雄韶等府會昌湘鄉山寇竊發亨討平之累陞都督同知封吉安侯

余恩其先南直滁州人襲贛州衛指揮僉事素有謀勇爲督撫王守仁所任守仁平橫水桶岡三泖等巢恩常冠軍陞指揮同知守仁討宸濠恩領黃鄉保葉芳兵會樟樹分布亟進伍文定當其前恩繼其後賊逼王家渡銳甚文定佯北以誘致之賊趨利前後不相顧恩督兵乘

之袁臨兵夾攻賊潰走十餘里明日復戰風不便文定躬施礮石火薰其鬚兵少卻恩率葉芳兵突馳策應各兵並進斬二千餘級溺死者無算賊退保八字腦又明日四面火攻濠就擒以功陞江西都指揮同知終叅將袁璫鳳陽人會昌守禦所千戶熟嫻韜畧善撫軍士正統十四年己巳閩寇犯境璫嚴爲防禦却之以功陞指揮僉事訂會昌志補

趙鉞任南昌衛指揮使以捕盜功陞都指揮僉事守脩南贛正德六年辛未充叅將督兵勦馬腦華林山賊俘獲甚衆時逆濠暴虐軍民憾鉞執法不從已十年三月召入府飲之策馬歸毒發死濠復繫其妻拏掠其資財鉞

贛州府志

卷二十六 武勳

四六

死四日不得殮蒙禍甚慘

豫章書

方政定遠人正統中以江西都指揮僉事涖贛親賢敬士恩威並行軍民並德之

馮廣字存遠襲父遇贛州衛指揮僉事天順中都御史韓雍以威武才能薦陞江西都指揮守脩南贛

俞大猷字志輔泉州衛百戶少以豪傑自命折節讀書深於易而精於兵登嘉靖乙未會闈武舉歷汀漳守脩廣東都司瓊州叅將廣東饒平巨寇張璉稱亂四省合兵會勦遂移南贛叅將督和平哨時璉離勦出劫諸哨將校欲邀擊於路大猷曰法在攻其所必救因疾引兵萬五千人登柏嵩山俯矚其巢璉果馳歸乘其敝縱擊之

斬首千餘璉據險自固大猷陰搆其黨郭玉鏡給璉出  
戰生擒之廣人爭功篡取去江兵不平欲與鬪大猷曰  
我惡賊不靖耳廣兵江兵何擇焉敢戰者斬衆乃止乘  
勝直擣林朝曦溫鑑梁道輝諸巢悉破之班師進副總  
兵旋爲神威營總兵鎮守南贛等處進都督同知佩征  
蠻將軍印後征古田及海賊曾一本進右都督改鎮守  
福建以未殲海洋元惡坐免後起後軍都督府僉書提  
督軍營設法教閱加都督同知以老致仕

蔡汝蘭字子芳廣德州人初入國子監棄儒從戎積功陞  
萬安守脩時閩廣賊盜蜂起每有征討汝蘭常爲軍士  
冠超遷南贛叅將贛撫吳百朋欲勦三巢日夕與謀謀

贛州府志

卷二十六 武勳

四七

定乃調發各營將卒屬汝蘭總統分布以嘉靖四十五  
年丙寅六月進勦下歷首攻破楊梅牌奪神仙嶺賊據  
守鐵爐坑縱火焚其積聚賊走田螺湖口又敗之賊首  
賴清規奔樟木嶺銅鼓嶂饒鈹寨皆爲官兵攻破清規  
乘夜領親信匿苦竹嶂爲偵者所得自剄死汝蘭冒暑  
雨衝鋒鏑論功爲最

張志

邵把總失其名崇正二年己巳粵賊張庚子劫掠邑境邵  
同典史薛澄千長徐棠鄉勇廖尚美袁思唐等率衆進  
勦至上蒙賊伏發被圍邵奮力格鬪死之數百人俱沒

於陣

龍南志

董大勝字明甫以功任山海關總兵因公罣誤降南贛鎮

都司崇正間來防長寧身長面赭力舉千觔號董千觔時盜賊蜂起所在蹂躪憚大勝威名不敢犯邑人祀其像於三官殿及法華菴邑令劉光漢爲之讚

長寧志

陳烈籍貫未詳爲贛州叅將丙戌之役數力戰衆以其弟已降疑之烈益奮勇疾鬪及見執不屈顧謂贛人曰今而後乃知我無二心也遂就戮

明史

牛壽字天紀遵化人會昌守禦所千戶撫恤軍士修葺城池重建演武廳繕器械勤慎寬和雅似書生

謝武烈興國人武舉爲贛州府武學教授丙戌十月城破四子同死之

激水志

國朝

贛州府志

卷二十六 武勳

四八

勒養蒙籍貫未詳守會昌羊角營金王之叛草寇猖獗圍攻堡城養蒙力爲守禦援絕城破舉家遇害

會昌志

胡有陞遼東人順治初任南贛總鎮戊子金聲桓王得仁反率兵攻贛先以書招裨將高進庫進庫不從勒兵出戰爲逆先鋒劉一朋總統白朝佐所敗是日城幾陷而賊兵不繼有陞與贛撫劉武元悉力拒守自二月至六月城中糧盡士卒饑疲有陞拊循之人無叛志尋固山譚泰急攻南昌聞至贛聲桓撤營還有陞率諸將尾擊大蕪港殲其大半後與武元巡道張鳳儀並祀三功祠姚自强即孔國治遼東人順治戊子贛爲金聲桓所圍自强以城守副將拒守李成棟逾梅嶺薄贛自强擊敗之

討叛黨寧都□達伯龍南葉南枝平之復援勦饒州粵東諸寇俱奏凱康熙初陞任本鎮後移崇明子尚倫襲廕仕南韶總兵

劉進寶山東人康熙十一年壬子由副將擢鎮贛州時逆耿將賈振魯圍寧都進寶直薄其營賊退據石城進寶率叅將陳義等分三路夾勦擒僞都司二名僞守備一名遂復石城時禁旅自粵歸者麇集贛城進寶馴而弭之民不恆擾

管天祥字方旭臨川人少從軍隸贛鎮討諸賊能以少擊衆累功爲寧都守備康熙甲寅六月耿逆僞將黃冬生等圍石城復分兵伏於路以邀援師天祥引兵救之遶

贛州府志

卷二十六 武勳

四九

道從汀界入猝至城下賊大驚天祥急擊破之伏兵歸復鏖戰城中合勢夾攻斬賊千餘級乃潰走天祥苦戰累日凝血兩腋間肉盡腐經月始瘥十月廣昌賊謝思禮寇李邨天祥帥數騎直前爲賊所截天祥奮呼突出谷口與大兵合力戰敗之賊衆掖思禮而奔天祥躍馬追之矛及其股馬忽蹶賊得逸自是聞管僉書之名皆膽讐後復降廖汝端於小源調歸贛協與副戎周球共破王割耳於信豐又平興國厓石寨後陞涿州副將卒

於官

張志

哲爾肯滿州人康熙十四年乙卯任南贛總兵十五年丙辰閩逆盤踞昌雩又汀州僞將劉應麟及興國屯弁朱

明爲外援勢張甚爾肯以計獲賊幟令我兵執以進襲擊大破之十六年丁巳韓大任據吉安自雩都分坑渡河急攻鷓鴣老新二寨爾肯力戰斬五百餘級時閩楚粵諸寇蜂起爾肯竭力守禦隨機剪破開復萬安泰和二縣以通江西糧運陞廣東提督

李若垠字電之直隸宛平人初爲南贛巡撫軍門守備順治己丑巡撫劉武元檄使署興國縣事副將鮑虎率兵俱行時曠年無令諸寨盤踞號爲義師遠近無非賊巢若垠至與虎合擊宋朝宗於金斗山賊依山爲險若垠先登手格殺數人朝宗退至龍下水窞迫請降擒之沉於水虎旋受調攜所部歸贛若垠乃依保甲法設練總

計烟戶多寡募鄉勇親訓練之定賞格課其勤惰衆皆奮勇効命王大勇擁衆謀奪城戰於北關大教場大破之擒賊數百人每戰皆身自踴躍搏鬪屢瀕危不懾諸寨膽落或乞撫或逃匿解散遂盡若垠又雅好文翰數延接儒士間民疾苦兵後興革皆合時宜作詩樸拙有古致後署雩都罷歸興民懷其德以長令事之稱賢父母焉

論曰贛之爲郡山環水復閩居東南西連荆楚南與粵壤相接北則大江之會流其地龐雜深邃其俗椎魯勁悍故歷代以來跳梁伏莽踞岡恃阜者踵相接也然食不堪以久養險不能以長恃旋起旋滅未足

爲累而良莠不分民之權阨者不少矣原其故或有  
總轄而無防戍或有士卒而無鈐制故唐之府兵宋  
之統制元之萬戶府皆不能以安靖疆宇及明制差  
善軍門巡撫時設時裁而分駐之卒亦復甚寡洎頭  
三寨累月經年豈非失於平時歟我

朝制度一洗前代之失郡設大鎮佐以四營根本既固  
而又於險阻之地設羊角橫岡諸營星羅碁布呼吸  
相通百有餘年士民安貼向之深林密箐今皆墾爲  
良田婦子寧處雞犬相聞雖有不馴之徒亦無從而  
生其間隙也至於前世職官無考者多仍錄其舊  
國朝則另爲三表一切餉用軍裝駐汛馬匹皆詳紀之

而武事武勳亦脩錄成篇俾觀風者知古制之多踈  
而今日之規模迥軼於前朝萬萬云